

靈寶无量度人上品妙經卷之十七 地七

扶桑青陽品

道言昔於蒼靈天中青芽雲歌大好生土受
元始度人扶桑青陽无量上品元始天尊當
說是經周回十過以召十方始當詣座天真
大神上聖高尊妙行真人扶桑大帝青華帝
君青陽寶耀木皇九炁上真道君天官從騎
真仙真人無鞅數衆乘空而來寶雲青霄合
霄紫煙琅碧瓊輿八真飛輦葆蓋流蔭靈寶
散空七色蔚靄洞煥高空九日九夜諸天日

一第七十卷

月星宿停虛倚輪五緯舒光天經順行元綱
鎮靜三道清平流暉關紐七辰煥明一國地
土山川林木緬平一等無復高下土潤琳琅
無有異色衆真侍座元始天尊玄坐空浮青
麟玉臺海光寶雲之座說經一徧諸天大聖
同時稱善是時地七一國男女衆惡消除默契真
道說經二徧流晶降體完堅萬神說經三徧
五臟生華永無百疾說經四徧金光易骨瓊
華鍊形說經五徧通體虛明飛行遊宴說經
六徧化周八極普度十方說經七徧冥曹羅

對進補真仙說經八徧元老五帝敷落妙音
一切天人皆識雲芽說經九徧諸天諸地化
現嘉祥說經十徧朽骨更生返形復命是時
一國是男是女莫不傾心皆受護度咸得長
生

道言是時元始天尊說經一徧東方无極无
量品廣生大神無鞅之衆浮空而至說經二
徧南方无極无量品明耀大神無鞅之衆浮
空而至說經三徧西方无極无量品皓晶大
神無鞅之衆浮空而至說經四徧北方无極

无量品玄變大神無鞅之衆浮空而至說經
五徧東北无極无量品靈暉大神無鞅之衆
浮空而至說經六徧東南无極无量品混合
大神無鞅之衆浮空而至說經七徧西南无
極无量品鎮安大神無鞅之衆浮空而至說
經八徧西北无極无量品回風大神無鞅之
衆浮空而至說經九徧上方无極无量品純
德大神無鞅之衆浮空而至說經十徧下方
无極无量品輔化大神無鞅之衆浮空而至
十徧周竟十方无極天真青陽景耀大神一

靈寶无量度人上品妙經

時同至一國男女傾心歸仰各以諸天寶花
龍香百果恭敬供養來者有如雲影飛霧無
鞅之衆迓國一半土皆偏陷非可禁止於是
元始懸一寶珠大若明星在太空之中去地
九丈元始登引天真大神上聖高尊妙行真
人十方无極青陽大神無鞅數衆俱入寶珠
之中天人仰看惟見勃勃從珠口中入既入
珠口不知所在國人靡散地還平正無復鞅
陷元始即於寶珠之內說經都竟衆真監度
以授於我當比之時喜慶難言法事粗悉諸

天復位條歛之間寂無遺響是時天人遇值
經法普得濟度全其本年無有中傷傾土歸
仰咸奉高真合景合妙合炁合神合元合本
合惠合靈合化合變合性合明心符上聖演
範流行青陽降體雲芽發生二暉灌鍊真道
地七
克成經始流布一國仰教咸罄至誠衛生保
質皆得度世

道言元始天尊說經中所言竝是諸天上帝
內名隱韻之音亦是真王內諱百靈之隱名
也宣演扶桑帝景之山下接太溟青陽之炁

靈寶先度人上品妙經

纏結九霄圓景真光三十萬里引其景者爲
仙卿飲其華者爲至真九道絳煙回度三靈
瓊瑤變質敷羅玉英非世之常辭上聖已成
真人通玄究微能悉其章誦之十過扶桑鍊
神陽華自成寶明煥燭大福來臻上聖之道
奔挹五辰妙炁合元飛昇玉京百邪伏滅大
苑東形回屍起死白骨成人至學之士誦之
十過則青腰奉書太丹吐輝含景浮光天靈
啓扉東極降靈萬炁齊歸濟度群品遊行太
微所以爾者扶桑爲晷崑崙玉誕之精青陽爲

卷第七十四

長生九榮之氣逐年却禍賜爾元老大帝之
道也龍煙之神屈伸震垣肝葉敷玉關戶紫
煙知此道者飛昇列仙色更嬰童變化神泉
永保生妙合炁長延通真達靈受慶綿綿輕
誦此章身則受殃供養尊禮門戶興隆世世
昌熾與善因緣萬災不干神明護門斯經專
妙獨步玉京度人无量為萬道之宗巍巍大
範德難可勝

道言凡誦是經十過諸天齊到青元上皇九
華之精明耀扶乘大帝綠瑤之闕天葆少陽

靈寶元量人上品妙經

碧琳之官敕命鳳光玉女持太玄開明青真
之符詔九幽寒庭泉府重陰之獄名青陽之
神却死蒙生太陽群靈隨光上昇九祖幽魂
受度飛昇格皆九年受化更生得為貴人而
好學是經功滿德就皆得神仙飛昇玉府下

地七

四

冥方諸也上學之士修誦是經青陽入身玉
精內化流注無英威明執鉞斬伐屍根皆即
受度飛昇玉明世人受誦則洞戶琳琅朱火
明璫陽真來應丹化紫房生道續命萬萬流
芳保鍊玉飾六府絳章五斗被膺坐鎮魁罡

此經微妙普度無方一切天人莫不受慶无量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役冥官侍經始陽王童朱光玉女各一十人管衛瓊文保護受經者身

道言正月長齋誦詠是經扶桑垂條青陽布英生悉變幽冥考悉停使上世亡魂斷地遠役度上南官七月長齋誦詠是經方諸降真青華召靈身得神仙諸天書名黃綠白簡削死上生十月長齋誦詠是經東霞保生賜谷

開成八關啓蘊九炁敷成爲國王帝主君臣
父子安鎮國祚保天長存世世不絕常爲人
君安鎮其方民樂太平八節之日誦誅是經
天山通景玉極延齡得爲下元真人本命之
日誦誅是經太一下臨青帝監盟外運玄炁

地七

五

內育三嬰魂神澄正萬炁長存不經苦惱身
有光明三界侍衛五帝司迎萬神朝禮名書
上天功滿德就飛昇上清

道言行道之日皆當香湯沐浴齋戒入室
東向叩齒三十二通上開三十二天心拜

三十二過閉目靜思身坐九陽蒼雲之中
內外蒼冥有青龍白虎朱雀玄武師子白
鶴羅列左右日月照明洞煥室內項生圓
象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前

畢

靈寶度量人上品妙經

引系三十二過東向誦經

元始无量度人上品妙經

元始洞玄靈寶本章扶桑青陽九華上品化

炁度人元晶隱韻正運自然東極青真玄關

化神九芒琅碧洞照陽門太无上劫化生八

靈青宮肇立扶桑億尋蚪龍交迴蛟螭委蟠

青陽之精升為歲星開明蒼景是化天根下
為青華方諸玉宮上無復祖與道同生玉垣
真炁析為寶文安鎮東方玄變純仁挹采華
芒結節洞明隱芝自生玉髓金筋蒼符開廓
普殖神文無文不敷無文不通無文不建無

地七

六

文不崇無文不化無文不隆是為至妙天中
之宮瓊寶玉羅龍嶽剛峯上極无上圓耀高
穹眇眇化城安鎮太空青華離使神變九龍
金闕黃房森羅淨靈神霄道炁周徧天京中
有度人不死之神中有方諸青童道君中有

靈寶无量度人上品妙經

南極長生之君中有東極青華帝君中有抱
霞採光度世司馬大神中有好生韓君丈人
中有南上司命司錄延壽益算度厄尊神迴
骸起死无量度人今日校錄諸天臨軒

東方无極飛天青符神王長生大聖无量度
人

南方无極飛天青炁神王長生大聖无量度
人

西方无極飛天青燭神王長生大聖无量度
人

人 北方无極飛天青精神王長生大聖无量度

人 東北无極飛天青虛神王長生大聖无量度

人 東南无極飛天青陽神王長生大聖无量度

地七

七

人 西南无極飛天青運神王長生大聖无量度

人 西北无極飛天青帝神王長生大聖无量度

上方无極飛天青景神王長生大聖无量度

人

下方无極飛天青芽神王長生大聖无量度

人

十方至真飛天神王長生度世无量大神並

乘飛光青輶之車蒼珠碧琅之輦綠蓋玄輪

驂駕丹鳳九首青龍建流霞之節廣生靈播

前按洞章齊奏後唱玉謠同音白鳳麒麟嘯

歌雍雍青靈啓途歲耀翼轅億乘萬騎浮空

而來傾光回駕監真度生東極丞相暘谷神

卷第七十九

宮帝司玄一九炁大神導降青精光照八冥
碧霞散飛三五順行骨生金輝迴耀瓊英青
皇受書列位仙真校定群品區別衆靈執籙
把籍齊到玄庭隨所應度嚴校清都普告十
極杳漠高虛洞淵化府北闕靈居閭風崑丘
瑤臺帝墟下逮寒池長夜幽局拔度祖考削
落惡根不得拘留剋獲超升青官符命飛度
無停神嶽鬱羅開衛形魂大魔監察度品朱
陵死魂鍊炁變朽成人生身受度劫劫長存
隨劫輪轉與天齊年永度三災八難九橫五

苦超凌三界逍遙九清九清之天天帝保安
無色之境梵行

東方八天

修方正華天

青芒順綱天

繹真洞暎天

隆緒景師天

辨常起位天

歷濟桓輿天

木極粹生天

帝天季宜庭

帝憫化神覺

帝善徂越文

帝遙符玉渦

帝闕閑資仁

帝護諱難

帝工機顯房

卷第七十

廣風至化天

帝孟麟九中

南方八天

慶炎崇古天

帝信師拜凡

緣真應羅天

帝資寧禱玄

宗理高明天

帝玄攸叙嘉

日旗招炁天

帝太一紫庭

液華澤恩天

帝雲蒲綠英

常經衛和天

帝燿靈洎元

洞空蔚陽天

帝飛日路咸

青官啓生天

帝士勝育居

靈寶度量上人妙品經

西方八天

定曦扶晨天

帝光空極真

曲桑漱瓊天

帝嬰定泰郊

群黎寂鎖天

帝炁摩幽寧

玄墟正魔天

帝直錄湛眾

地七

九

運曆開靈天

帝時維康假

素契治律天

帝召可司非

西清玉宸天

帝茂留江

道元聖山天

帝臺堅庸

北方八天

潛池演滋天

帝決隲少披

虛闕對神天

帝渺秩祿宜

冥羅帝陀天

帝呼晝願光

鄴營總監天

帝述盧猶朋

智廬降真天

帝蘇杜善提

號都佐理保福天

帝部尤允泥

海靜靈儀素奕天

帝洞義明持

壬領六司天

帝考按鬼神

三十二天三十二帝諸天隱諱諸天隱名天

中空洞自然靈章諸天隱韻青陽之音青陽

靈寶无量度人上品妙經

之尊青陽之神青陽耀晶青陽之靈九炁十
華變化上清无量之奧深不可詳敷落神真
普度天人今日欣慶受度歷關諸天木真九
皇倚杖扶桑妙靈攝炁結為青陽青陽飛精
碧光高升大圓照空億炁為程仁德逮下福
資聖君普覆區宇變化生靈仙真神龍克應
至神和湯慈恕微妙彰明上學感靈仰味天
精神光下流骨玉顏金策登神霄披服組紋
拔苦扶難振祐生民請滅三惡斬絕地根扶
桑吐華蟠條散英瓊綠萬葉蒼雲千層上生

靈寶紫光丹靈九芒纏虛煥爛東展遐想青
駟龍仗續紛青炁如絃挹采玄曠洗髓鍊神
奔騰玉津飛度九戶廓開八門真王監舉列
告元真東斗降陽西斗耀明北斗玄沉南斗
光凌中斗益生總括萬靈青華啓暉皓芳開

北七

十

性丹藥扶衛玄津保命黃英中貫晉行教令
大帝碧羅三界大定蒼元上真綠炁東桑丹
元上真鍊玉朱光素元上真皓華流芳玄元
上真雙闕提綱中元上真坐鎮明堂五元至
神上景之真含芳拱露交幹雙蓮飛龍高舉

落鳳騫星統部靈魔萬神之宗飛行三道總
統仙兵魔幢鼓節遊觀九清自號赫奕諸天
齊功上天化民嚴攝羅鄴真王受命普掃祆
凶伯華降晶龍耀持鋒太丹流雲威化無邊
神帥擲火萬里飛煙金鈴迸擊玉戟八懸敢
有干試拒遏高仙玄鉞前戮神金後刑屠割
袂奕激蕩無停千千截首萬萬窮形魔無干
犯鬼無祆精三官九司明按鬼營不得容隱
玉馬交呈普告無方萬彙咸聽三界五帝列
言上清

元洞玉曆東極扶桑未開五劫初判青陽陽
華發生三元紀綱生爲神仙道樞已張震動
知覺龍漢延康眇眇億劫混沌之中青顯爲

色陽墮成淵風爲木神澤爲木元風澤洞虛
金石凝天天上天下大化冥冥陽光浩蕩無

極無名洪濛大道遼廓無光丹暉地七啓圓運度十一

自然青華安鎮綠誥瓊篇赤書玉字九炁龍
文保制劫運使天長存炁炁彌羅萬範開張
木真流演四羅諸天輪轉網維回度無邊旋
角歷箕祭斗車廂傍俠天經運化五帝玉城

靈寶元量人上品妙經

九門青帝東鄉三十五分總炁上元八景冥
合炁入玄玄中太皇玉極仙真乘景步虛
下照桑林千真共會帝庭飲食青陽浩劫采
淪汎景紫霄吟詠洞章金真朗秀流響雲宮
靈音化景混合回風太虛鬱微輔翼玄空青
陽入肝碧樓玉山中有少童錦衣美冠手執
天籥吹噓百關內通境界感御披蘭白珠累
累霞流三田鼓橐茹和赫然成丹千和萬合
自然成真真爲青陽陽中有神長生大君曜
元公子浩晶尊神方諸司命賜谷合延執符

卷第七十四

把籙保命生根上遊九清出入琳房八闕之
內細微之中下鎮人身瓊樓絳宮中理五炁
混合百神十轉回靈與炁俱仙仙道貴生蒼
垣度人上開九門青光大輪司治天政下勅
鬼神中主人民罪福因緣普受開度死魂生
身身得受生上聞諸天諸天之上各有生門
中有碧桑雲葉自然青陽空洞之謠真玉靈
篇辭參高真

第一碧海扶桑飛空之音

玉都翠京
下連碧洲
光霞億萬

青陽九玄

寒波泛溢

蒼景扶桑

並生萬尋

神風化網

葉暎碧落

中秘龍章

歌空成韻

枝舞鸞翔

元精縈羅

綠英瑤瑤

林密如雲

中有上真

寶弁差莪

交龍羽裾

也七

厥號太帝

扶桑之尊

無英伯華

龍胎九魂

主教至學

灌鍊五形

千變萬化

八道揚旌

勤我上範

方諸紀名

十二

第二青陽寶耀真三之章

卷第七十五

九天俯雲輪	悟此得生道	飛度延康	下照億天	結秀紫房	桑林之真	玄相老人	青宮大神	逼波雷起	扶桑連理
	識者通神靈	仰引神霞	无極威光	寶耀赫奕	炁名青陽	三界仰德	太一元尊	蟠根蜿蜒	並幹相倚
	吟詠青陽	經天緯常	生育列聖	傾丹化鄉	昇於神天	九土蒙恩	碧霞鬱壘	接曲千里	接雲龍升

第三東極青華帝君歌曰

寶山峙東南

上有真王宮

盤根凌太虛

下眇九霄中

內列諸靈司

洞治億天宗

元嗣輔上帝

統御興真風

鑑觀圓羅下

驂駕飛天龍

十極秉元化

大魔為攷功

收制六天兵

使道永興隆

飛章請玉詔

玄符赦羅酆

大慈憫長夜

五苦使感停

與我本同氣

儵然宴赤明

變化無邊際

普度諸天民

胡為樂須臾

貪欲勞其神

不學上真道

歷歲空悲辛

我今為此歌

地七

十三

清音感玄人

此三界之上飛空之中真王歌音音參洞章
誦之百徧名度南宮誦之千徧真王保迎萬
徧道備飛昇太空過度三界位登仙公有聞
靈音真王召神敷制地祇侍衛送迎拔出地
戶五苦八難七祖升遷永離幽山魂度朱陵
受鍊更生是謂无量普度无窮有秘上天文
諸天共所崇泄慢墮地獄禍及七祖翁
道言此二章並是諸天上帝及至靈真王隱
秘之音顯明扶桑之山仙國宏遠其山面方

萬里在碧海之東去中國九十萬里上通神
霄玉府億萬里中有太真王扶桑大帝方諸
山青童道君東極青華之別宮山生巨桑內
黃而外紅其華食之長生其液狀如玉飴服
之壽千劫鍊之爲丹餌爲高真其根感玉京
崑山之玉津孕於桑中下生玉璞如世松根
而有茯苓茯苓千年生威善扶桑之下有玉
璞溫瑩殊美並能制鳳凰立於其上下方生
玉玉結未成凝爲流液服之變爲嬰童壽等
天地扶桑之上有靈雞鸞鳳九色之鳥日旦

升於若木金鳥飛於桑上即日出暘谷其扶
桑之頂有炁名青陽上爲木星光照三十萬
里徑一百里十二年一周天三百九十九日
一見伏凡八十三年七十六見而七周天中
有星帝后妃夫人官屬木皇爲之主爾修其

地七

十四

道則玄丹太一吐納青炁太一天尊授炁青

符無英公子飲炁青精龍煙丈人威盟真人

受炁東方真文御青陽以東升音旨微妙皆

是大梵之言非世上常辭言無韻麗曲無華

宛故謂玄奧難可尋詳上天所寶秘於玄都

靈寶无量度人上品妙經

高上神霄玉清玉府東藏經室依科三萬七
千年應運下傳若有至人齋金寶質心依舊
格告盟十天然後而付焉

道言夫青陽爲生福之力本有形之類無不
賴之至若天地運度否終日月五星虧盈至
聖神人休否末學之夫疾傷凡有此災同氣
皆當齊心修齋六時行香十徧轉經福德立
降消諸不祥无量之文普度無窮

道言夫末學道淺或仙品未充運應滅度身
經太陰臨過之時同學至人爲其行香誦經

十過以度屍形如法則東極青華帝君賜通
光之符召青陽之炁於無英之宮流太玄青
精生炁入兆之肝府死戶閉塞木皇內遊含
明文人爲兆啓紫蘭之室開青珠之檢授兆
隱文兆之精靈按而誦之魂神徑上南宮隨

地七

十五

其學功計日而得更生輪轉不惑便得神仙
道言夫天地運終星宿錯度日月失明四時
失序陰陽不調國土災怪水火厄難疫毒流
行兆民死傷師友命過善士橫殃皆當修齋
行香誦經夫齋戒誦經功德甚重上消天災

保鎮帝王下穰毒害以度兆民生死受賴其
福難勝故曰无量普度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人剋得為聖君金
闕之臣諸天記人功過毫分無失天中真王
亦保舉爾身得道者乃當洞明至言也
諸天中大梵隱語无量音

道君撰

元始靈書扶桑青陽玉篇

東方八天

程軒帽羅 傾音謨光 曆紀悲響
迎贖丘玄 濟淙款累 固淵蔽芒
憫協華迹 曜度氏房 竒魚立嬪
制儀蒙剛 海鄒夜潭 舒毗琳琅
扁幾合無 邁盈東祥 矧測雉允
炆胡并唐

南方八天

戰熾堯郢 陀騰炯瞻 威孺臧殷
命魔設官 極臺勅吏 走驛告嚴
陽居始都 究萌部端 猛聚定棘

鹿溫冥牢 景補皇位 靜部尤常
烈卑柄重 吉祺信諭 茂期謀于
昆熙夷光

西方八天

瑟那志靈 七七 禱達侯度 頂礎蔚京

陸省備助 七七 菴乙布猗 求銖閱正 十六

狼文薛嶇 途營謨兵 厭騰釋璘

葆疇尹倉 萬彥師倫 池府爵屍

犇竇印里 述冥關蘭 幽河斗神

金名祝伸

北方八天

扶曦霞梁 絕華伎彊 耀學素寂

抱帝澤門 簡符紫丁 夜舍追擬

託詫蘊胸 巨沙燕僞 縛爾泉弁

交竒浮網 淨信同法 罔慈擊亢

瀆延龍哀 計羅卓傳 業俞鄭璠

石雷皓清

道言此諸天中大梵隱語无量之音舊文刻
書青華帝君左闕玉臺之上青陽洞煥木道
其昌仁澤純被壽樂靈遐施生於地惠德於

靈寶无度量人上品妙經

天中遊至虛妙歸三元福貴本始道賞其玄
字皆廣長一丈天真皇人昔書其文以爲正
音有知其音能齋而誦之者諸天皆遣飛天
神王下觀其身書其功勤上奏諸天萬神朝
禮地祇侍門大成真王保舉木真道備刻得

地七

十七

遊行三界昇入金門此音無所不辟無所不
穰無所不度無所不成天真自然之音也故
誦之致神王下觀上帝遙唱萬神朝禮三界
侍軒群袂束首鬼精自亡琳琅振響十方肅
清河海靜默山嶽吞煙萬靈振伏召集群仙

天無氛穢地無祲塵冥慧洞清大量玄玄也

元始无量度人上品妙經卷之十七